

### 3 - KUPUNYUTSWA KUKURU



1

**Zuva rauchapinda muhupenyu husinakufa**




2

**Maria ainge aneta. Yainge iri vhiki yakazara nemabasa akasiyana siyana. Hupenyu hwake hwainge chamupupuri. Ari kutyaira hambautare kubva kuchitoro kuenda kumba, akapinda kanzira keguruva kainanga kuimba yake.**



3

**Nekukasika akaona nyenyedzi ichi donha ichitungidza dena rose.**



4

**Nekutya akamanyisa mota yake. Ndokubva afunga kuti, "Uku ndiko kupera kwenyika! Kristu arikuuya! Chidiso changu ndechokuti ndisvike kumba ndive nemwanakomana wangu."**

**Ava kutaura pamusoro pazvo izvi, Maria akati, "Pandakaona dena rakatungidzwa nenyeredzi, Ndakafunga kuti Jesu aive akuuya."**



5

**Wakambozvifunga here kuti nyika ichaguma umwe musu? Kana wakambozvifunga, kuda wakambofunga kuti ichaguma neipi nzira? Pachava nenyeredzi here icharatidza kuguma?**



6

**(Video: 8 sec) Vamwe vanhu vanofunga kuti nyika ichapera nehondo yezvombo zvenuclear, kuti vanhu vachazviparadza uye nehupenyu hwese panyika.**



7

**Vamwe vanofunga kuti huhwandu hwevanhu huchakura kusvikira nyika paichakoniwa kubetsera vanhu vakawanda, uye kozova nenzara ichauraya nyika yese.**

### 3 - KUPUNYUTSWA KUKURU



8

Vamwe vanonetseka kuti rimwe zuva kungava  
nenyeredzi hombe icharova nyika yoyiparadza.



9

(Video: 8 sec) Asi unoziva here kuti nemakore  
akapfuura, Bhaibheri rakaporofita kuti nyika ichapera  
sei?

Shamwari, nhau dzinonakidza ndedzekuti vanhu vese  
havasikozofa nemhaka yehondo kana nzara kana  
kuparadzwa nenyeredzi.



10

Asi, Bhaibheri rinoti nyika ichasvika kumagumo  
nekuuya kwechipiri kwaJesu Kristu panyika ino!  
Achadzokazve panyika iyi yaakasiya kwemakore 2000  
apfuura, uye uchadzoka kuzomisa nguva  
sezvatinoyiziva ogopinza nguva isingaperi-peri.



11

Zvinofadza kuziva kuti vanhu vanofunga chii  
nezvichaitika kana vavhunziwa kuti kuuya kwaJesu  
kunenge kwakadini.



12

Hongo, shamwari, Mambo Jesu varikuuya nekukasika,  
uye hapana kunyunyuta kuti kutambura kwenyika ino  
kuripamusoro pesimba revanhu, kuti Kristu chete  
naBaba vake ndivo vanogona kupedza kutambura  
kwawanda munyika yedu!

Kuchava chikomborero chaizvo kana Mambo vadzoka!



13

Apo mupostori Pauro paaive ari mujere rinerima,  
akamirira kugurwa musoro wake, akanyora kuti

### 3 - KUPUNYUTSWA KUKURU



14

(Chiverengo: Tito 2:13)

“Takatarira tariro inofadza, nokuwonekwa kwokubwinya kwaMwari mukuru, noMuponesi wedu, Kristu Jesu.”

Tito 2:13.

Pauro akanyora tsamba iyi inosimbisa kuna Tito, “mwanakomana wake wechokwadi pakutenda,” kuyeuchidza Tito “nekuuya kunobwinya” kwaMwari vedu.



15

kana uchiwana hupenyu hwako huchiva nenguva dzekutambudzika mazuva ese, tarisa mudenga urangarire “tariro yakakomborerwa”, kuuya kwechipiri kwaKristu panyika ino, kuchagadzirisa zvinhu zvese!



16

Chinonyanyo taurwa nacho mu Testamende Itsva kuuya kwechipiri kwaKristu.

Vhesi imwe panemavhesi 25 inotaura pamusoro pekuuya kwaJesu.

Kristu akapedza nguva yakawanda achitaura pamusoro pekuuya kwake kwechipiri muTestamende Itsva. Panemavhesi maviri muTestamende Itsva anofanira kuziviwa nemunhu wese anotenda kunaMwari.



17

(Chiverengo: Johane 3:16)

Kuda inonyanyo zikanwa ndi Johane 3:16:

“Nokuti Mwari wakada nyika nokudaro, kuti wakapa Mwanakomana wake wakaberekwa mumwe woga,



18

“kuti aninani unotenda kwaari, arege kufa, asi ave nohupenyu husingaperi.”

Yechipiri ivimbiso yakanaka yakapiwa naJesu nguva shoma asati aroverwa pamuchinjiko uye asati ayenda kudenga:



19

(Chiverengo: Johane 14:1-3)

“Mwoyo yenyu irege kumanikidzwa; tendai kunaMwari, mutende ho kwandiri.”

### 3 - KUPUNYUTSWA KUKURU



20

**“Mumba maBaba vangu munenzvimbo zhinji dzokugara; dai kusaiva kudaro, ndingadai ndaikuudzai; nokuti ndinoenda kundokugadzirirai pokugara.”**



21

**“Kana ndaenda kundokugadzirirai pokugara, ndinozowuyazve,**



22

**ndikugamuchirei kwandiri; kuti apo pandiri, nemi mugovapo wo.”  
Johane 14:1-3.**



23

**Kwemakore akawanda apfuura, apo kutambudzika, kunetseka, kana kufa kwatarisana nevateveri vaKristu,**



24

**mwenje wetariro, kuvimbisa kokudzoka Kwake, yakaunza kusimbisa nekubatirira kuna Mwari. Vateveri vaJesu vakagara vakatarisira kuzadzikisa kwevimbiso iyi yekuuya kwaJesu.**



25

**(Chiverengo: 2 Timotio 4:7, 8)  
Kumagumo eupenyu hwake, apo Pauro paaive akuurawa, nekufara akati:  
“Ndarwa kurwa kwakanaka, ndapedza rwendo rwangu, ndakachengeta kutenda;**



26

**kubva zvino ndakachengeterwa korona yokururama, yandichapiwa naShe, Mutongi wakarurama,**



27

**nezuva iroro; ndisini ndoga, asi navose vakada kuwonekwa kwake.”  
2 Timotio 4:7, 8.**



### 3 - KUPUNYUTSWA KUKURU



28

Pauro akavanesimba rekutarisana nekuurawa pazuva iroro nemhaka yekuti aive anekutenda pavimbiso yaKristu yekudzoka!



29

Hongo, Jesu ACHADZOKA zvakare!  
Shamwari, vimbiso yaJesu kuvadzidzisi vake ivimbiso yedu zvakare.  
Jesu achauya!



30

Apo vadzidzi pavakamubvunza nezviratidzo zvekuuya kwake nekuguma kwenyika kuti kuchava rini, Jesu akapa kutsanangura kunonzwisika kwezvichaitika munguva shoma asati Adzoka.



31

(Chiverengo: Mateo 24:4,5)  
Ngativerengei nazvo:  
Jesu akati, "...Chenjerai kuti murege kutsauswa nomunhu.



32

Nokuti vazhinji vachawuya nezita rangu, vachiti: Ndini Kristu; vachitsausa vazhinji."  
Mateo 24:4, 5.  
Muna vhesi 24, Jesu anojekesa nyaya iyi.



33

(Chiverengo: Mateo 24:24)  
"Nokuti vachamuka vanaKristu venhema, navaporofita venhema, vacharatidza zviratidzo zvikuru nezvinoshamisa,



34

kuti kana zvichibvira, vatsause navakasanangurwa wo."

### 3 - KUPUNYUTSWA KUKURU



35

Kana tisingazivi kupatsanura, “kuwona wenhema” tingazvibatandize nemurevi wenhema pachedu, tichifunga kuti ndiKristu! Jesu akayambira kuti zvichaitika! Aive asingatauri nekunyengera kushoma kusunamaturu.



36

Aitaura nekunyengera kunotyisa kwakawanda, kwakanyatsovambwa uye kukanyatsogadzirwa kuti nyika potsa yese inyengerwe itsauswe pachokwadi! Tarisa, vanyengeri ava vachaita zvishamiso, vachirapa varwere uye vachiita zvishamiso zvisati zvamboonekwa kuti vatsigire nhema dzavanenge vachidzidzisa!



37

Hatimbokanganisi kuona kuuya kwaKristu! Hapana ungakanganisike nekuti Kristu achauya zviri pachena. Asi tinganyengerwa nanakristu venhema uye titsauswe Kristu asati aonekwa! Chimbofunga nazvo.



38

Satani achashandisa vana kristu neva porofita venhema kuyedza kunyonganisa vanhu nekuuya kwaJesu.



39

(Chiverengo: 2 VaKorinte 11:13, 14)  
“Nokuti vakadaro vaapostora venhema, vanobata nokunyengera, vanozvishandura vachizviita vaapostora vaKristu.”



40

“Naizvozvi hazvishamisi; nokuti kunyange naSatani wo unozvishandura, achizviita somutumwa wechiedza.” 2 VaKorinte 11:13, 14.  
Satani achazvishandura uye agotevedzera kuuya kwaJesu ayinechinangwa chekunyengera nyika kuti isanzwisise nekuuya kwechokwadi chaiko kwaJesu.

### 3 - KUPUNYUTSWA KUKURU



41

(Video: 13 sec) Mazuva anhasi tinoona vakawanda vachiuya vachizviti vari Kristu.

Vangakwanise kupfeka mbatya vanhu dzavanofungira kuti Kristu aipfeka.

Vanotaura nenzwi rakanaka rinonyaradza.

Vanotaura mavhesi eBhaibheri.

Vanoratidzika kunge vakachenjera chaizvo.

Vamwe vacho vanoteverwa nevanhu vakawanda chaizvo vachifungidzira kuti Kristu atouya munyika.


Asi hapana wevanhu ava ariKristu, kana umwe zvake.

Izvi ndinokutaurira ndinechokwadi ndisinganyunyuti kana padiki.

Nemhaka yeyi?

Vamwe vacho vanotaridzika senzira yawanga wakatarisira kuti Jesu angataridzike nayo.

Vamwe vacho vanotaura senzira yawanga wakatarisira kuti Jesu angataure nayo.



42

Vamwe ava vangarape vachiita zviratidzo nezvishamiso zvikuru, uye nemhaka yezvinhu zvese izvi, chiedzo chekunyunyuta zvinotaurwa neBhaibheri chingava chikuru.

Asi hativimbi nepfungwa dzedu, nezvatinoona, uye nezvatinonzwa!



43

Pane chinhu chimwe chinotitungamira kuti tione kuti munhu ndewe chokwadi kana ndewe nhema, Bhaibheri ndiro rinotiratidza.



44

Ngatimbotarisai zviratidzo zvishoma zvichaitika apo Jesu wechokwadi paachadzoka kuitira kuti tisatsauswa nevenhema!



45

Kuuya kwaJesu kwechipiri kuchaonekwa

### 3 - KUPUNYUTSWA KUKURU



46

(Chiverengo: Mateo 24:27)

“Nokuti semheni inobva kumabvazuva, ichipenya kumavirira, ndizvo zvichaita kuuya kwoMwanakomana womunhu.”

Mateo 24:27.

Muna Zvakazarurwa 1:7, tinoverenga kuti,



47

(Chiverengo: Zvakazarurwa 1:7)

“Tarirai, unouya namakore, meso ose achamuwona...”



48

Kuuya kwenhema kungaonekwe apo neapo, asi hapana murevi wenhema angauye nemakore kuti ziso rese munyika rimuone



49

Jesu Apedza basa rake panyika, aive agadzirira kuenda kudenga.



50

Akatora vateveri vake vaiva pedyo naye akayenda navo pagomo re Olives, mushure mekuraira vadzidzi vake uye atooneka. Nekukasika akatorwa pakati pevadzidzi vake vakamuwona achiyenda kudenga.



51

Ngatitarirei kuti Bhaibheri rinoti kudini nezvichaitika izvi.



52

(Chiverengo: Mabasa 1:9-11)

“Zvino wakati areva izvozvi, akakwidzwa, vachitaririra; rikamubvisa, vakasazomuwona.”



### 3 - KUPUNYUTSWA KUKURU



53

**“Zvino vachitarisisa kudenga, iye achikwira, tarira, varume vaviri vamira navo vakafuka nguvo chena;**



54

**ivo vakati: Imi varume veGarirea, makamirireiko makatarira kudenga?**



55

**Uyu Jesu, wakabva kwamuri, akakwidzwa kudenga, uchawuya saizvozvo, sezvamamuwona achiyenda kudenga.”  
Mabasa 1:9-11.**



56

**Ngiroso mbiri dzaibva kuna Mwari dzaiva dzauya kuzosimbisa vadzidzi kuti vimbiso yakapiwa naJesu yaiva ichazadzikisa.  
Jesu aiva atsanangura zviripachena izvo zvavaive VACHAONA:**



57

**(Chiverengo: Ruka 21:27)  
“Ipapo vachaona Mwanakomana womunhu achiuya negore, nesimba rokubwinya kukuru.”  
Ruka 21:27.**



58

**Hapana achakutaurira kana Jesu ouya. Uchamuona achiuya nemakore ekudenga. Asi panezvimwe zviratidzo Satani zvaasingagone kutevedzera.  
Kristu wechokwadi Haamboonekwi kune imwe nzvimbo kana kuburuka mundege achibva kunenyeredzi.**



59

**Jesu ambouyi ari ega, kunenge kuchibwinya kuchishamisa zvikuru!**

### 3 - KUPUNYUTSWA KUKURU



60

(Chiverengo: Mateo 25:31)

Jesu akati, “Zvino kana Mwanakomana womunhu achiuya nokubwinya kwake, navatumwa vose vanaye, uchagara pachigaro chake chohushe chinobwinya.”  
Mateo 25:31.



61

(Chiverengo: Mateo 24:31)

Jesu anowuyireyi nengirozi dzake?

Anopa mhinduro:

“Uchatuma vatumwa vake nehvamanda huru,



62

vachawunganidza vasanangurwa vake kunobva mhengo ina, kubva kurutivi rumwe rwedenga kusvikira kunorumwe rutivi.”

Mateo 24:31.



63

Hongo, Jesu achaperekedzwa nengirozi dzake dzese, dzakazadza denga rese nekubwinya kwake kunoshamisa.

Iyezvino ungave wakuziva kuti sei vanhu vanozviti ndi Kristu vasiri!

Nekuti vachakoniwa chaizvo kutevedzera kuuya kwaJesu!

Hapana ungakwanise kutevedzera!

Asi panezvimwe zvichaitika zvinoenderana nekuuya kwaJesu.



64

Kuuya kwaJesu kuchanzwika uye vakafa vakarurama vachamutswa kuhupenyu



65

(Chiverengo: 1 VaTesaronika 4:16)

“Nokuti Ishe amene uchaburuka kudenga nokudanidzira, nenzwi romutumwa mukuru,



66

nehvamanda yaMwari; vakafa munaKristu vachatanga kumuka.”

1 VaTesaronika 4:16.

### 3 - KUPUNYUTSWA KUKURU



67

Tarisa, kuuya kwaJesu hakumboonekwi chete, asi kuchanzwikwa zvakare, kuchanzwikwa nemunhu wese. Kudaidzira kwaMwari kunenge kwakakura uye nehvamanda zvekuti vakafira muna Kristu vachamutswa vabude mumakuva avo.



68

Chimbofunga kufara kuchavapo apo makuva paachavhurika uye mhuri dzigobatana zvakare?




69

Unoona here kuti zvicharema sei kuti Satani atevedzere kuuya chaiko kwekuuya kwaKristu?



70

Pane nyaya dzimwe dzakanaka!  
Tarisa zvinoitika kunevapenyu vakarurama pakuuya kwaKristu kwechipiri:



71

(Chiverengo: 1 VaTesaronika 4:17)  
"Zvino isu vapenyu, vakasara, tichatorwa pamwe chete navo mumakore, kuti tichingamidze Ishe mudenga;



72

naizvozvo tichava naShe nguva dzose."  
1 VaTesaronika 4:17.



73

(Video: 4 sec) Vateveri vakavimbika vaJesu vachasangana muchadenga nevakafa vakarurama vamutswa apo vachichingamidza Mwari mudenga. Kuchava kusangana kunofadza zvakare kwemhuri dzakawanda pazuva iroro.

### 3 - KUPUNYUTSWA KUKURU



74

**Pauro anotitaurira zvimwe zvichaitika apo Jesu paachadzoka:**



75

**(Chiverengo: 1 VaKorinte 15:51-53)  
“Tarirai, ndinokuwudzai  
zvakanzika...tichashandurwa tose;**



76

**pakarepo, nokubwaira kweziso, nehvamanda  
yokupedzisira; nokuti hwamanda icharira,**



77

**ipapo vakafa vachamutswa nokusawora; nesu  
tichashandurwa.”**



78

**“Nokuti ichi chinowora chinofanira kufuka kusawora,  
nechichi chinofa chinofanira kufuka kusafa.”  
1 VaKorinte 15:51 - 53.**



79

**Mwari achapa muteveru umwe neumwe waJesu chipo  
chake cherudo, hupenyu husingaperi.  
Zvimwe zvipo hazvinabasa kana usina chipo  
chehupenyu husingaperi.**



80

**(Chiverengo: VaFiripi 3:20, 21)  
Pane chimwe chinhu zvakare Mwari chaachapa  
kuvahu vake:  
“Nokuti nyika yedu iri kudenga, uko kwatakatarira  
kuuya koMuponesi Ishe Jesu Kristu;**



### 3 - KUPUNYUTSWA KUKURU



**Panenge pasisina kurwadziwa , kana kurwara. Ndedzipi nhau dzingafadze kukunda idzi?**



83

84


85

86

87

13

### 3 - KUPUNYUTSWA KUKURU



88

nokuti zuva guru rokutsamwa kwake rasvika; ndianiko unogona kumira?"  
Zvakazarurwa 6:14 - 17.



89

(Chiverengo: Zvakazarurwa 16:18)  
"Ipapo mheni yakavapo, namanzwi nokutinhira; nokudengenyeka kwenyika kukuru kwakavapo;



90

kudengenyeka kwenyika kwakakura-kura kukadai hakuna-kumbovapo kubva pakusikwa kwavanhu panyika."  
Zvakazarurwa 16:18.



91

Kudengenyeka kwenyika uku kuchaparadza maguta akawanda enyika.  
Hapana ucharega kuwona kudengenyeka kwenyika uku apo pachauya Kristu!




92

Jesu akayambira kuti kuuya kwake kuchava panguva isingafungidzirwi.  
Akati zvakare vanhu vanenge vakabatikana vachitambisa hupenyu hwavo mumafaro enyika.



93

(Chiverengo: Mateo 24:30)  
Muna Mateo 24:30, tinotaurirwa kuti kana Jesu ouya, "...zvino marudzi ose enyika achachema..."



94

Izvi ndizvo zvakanzi naJesu zvichaitika kuneavo vasina kugadzirira zuva iroro!  
Vanenge varasiwa, zvakare vanenge vachizviziva!  
Zvinosiririsa uye zvinorwadza chaizvo.  
Shamwari, zuva iroro rinenge ririrechokwadi!  
Hapana kumuka uchiwana kuti wanga uchingorota chete! Unenge usingaroti, asi zvinenge zvichiitika wakatarisa.

### 3 - KUPUNYUTSWA KUKURU



95

Hapana chakakosha munyika panokugadzirira kuuya kwaJesu.  
Zvinhu zvenyika zvatinoremekedza hazvinakusimba!  
Kudengenyeka kwenyika kuchaitika kamwe chete,  
kuchazviparadza!



96

(Chiverengo: Ruka 21:36)  
"Asi rindai nenguva dzose, mukumbire, kuti mugone kupunyuka pazvinhu izvi zvose zvinozoitwa,




97

mugomira pamberi poMwanakomana womunhu."  
Ruka 21:36



98

Ngatidzokororei nekukasika zvatadzidza apo patanga tichiverenga Bhaibheri tese:




99

Vaporofita nana Kristu venhema vachaedza kunyengera vanhu vese.



100

Satani uchazviratidza semutumwa wechiedza.



101

Kuuya kwaJesu kunenge kusina kuvanzika.



102

Meso ese achaona Jesu achiuya.

### 3 - KUPUNYUTSWA KUKURU



103

Vatumwa vatsvene vese vachauya naJesu.




104

Achauya nekuchema kwehwamanda



105

Achauya nekudanidzira komutumwa mukuru




106

Vakarurama vakafa vachamutswa.



107

Vakarurama vapenya vachashandurwa vasinakumboba.




108

Vese vakarurama vachapuwa kusafa.



109

Vese vakarurama ruponeso vachachema pavachaona Jesu.



110

Kudengenyeka kwenyika kukuru kuchaparadza nyika.



### 3 - KUPUNYUTSWA KUKURU



111

Vese vasina kuponeswa vachafa.



112

Hazvingatsananguriki, kana kunyoreka kana kufungwa kana kunzwisika kana kuziva kubwinya kukuru kunoshamisa kwaJesu kuchaitika pakuuya kwake kwechipiri!

Asi ndinoda kukugoverai zvidiki chete zvakanyorwa nevanyori neavo vanonzi ma artists vachiedza kuratidza pamabepa kuti kuuya kwaJesu kunenge kuchitaridzika sei uye nenzira yavanofunga kuti zvinenge zvakataridzika sei sezvakatsanangurwa muBhaibheri.



113

“Panguva vanhu vasisatarisiri, Jesu achauyazve! Inzwi raMwari, sekurira kwemheni, richiyerera panyika apo richidaidzira zuva nenguva yekuuya koMwanakomana wake.



114

“Denga richapetwa sebhuku, nyika ichatya mberi pake, uye makomo ne zviwi zvese zvobva pazviri.



115

“Nekukasika kozoonekwa kumabvazuva, gore diki rakasviba, ringaenzane nechidimbu chimwe chewuroko rwomunhu.



116

Gore iri parinosvedera panyika rinenge richingobwinya zvishoma nezvishoma kusvikira rava gore rakakura rinemuraraungu kana mutsiwemvura (Rainbow) pamusoro paro. Nekunyarara vanhu vaMwari vachatarira izvi. Zvichashamisa zvikuru!



117

Mudenga muchazara kubwinya nekutungidza kunoshamisa, zviuru nezviuru zvengirozi dzaMwari dzinenge dzakakomberedza Jesu pachigaro chake!

### 3 - KUPUNYUTSWA KUKURU



118

**“Kubwinya kwakanaka uku kuchazadza denga rese uye apo vachingosvedera panyika, ‘maziso ese’ ozoona Mambo vachiuya!**

**Vanenge vasina kupfeka korona yeminzwa pamusoro wavo mutsvene, asi vanenge vanekorona yekubwinya kwavo pamusoro wavo.**

**Panguvo yavo panenge pakanyorwa kuti, ‘Mambo veMadzimambo naMwari wanaMwari vese.’**



119

**“Madzimambo enyika, nevanhu vese vakuru, navapfumi, nevatungamiriri, nevanhu vese vakasimba, nevasungwa vese, nevakasununguka, vakachema kumatombo nekumakomo kuti avadonhere avavanze pauso hweGwayana.**



120

**“Avo vakatambudza uye vakauraya vanhu vaMwari neavo vakaseka uye vakaramba Jesu seMwanakomana waMwari, neavo vakashambadzira vachiti, “Ngaroverwe pamuchinjiko! Ngaroverwe pamuchinjiko!” vachamutswa kuti v mire mberi paJesu. Moyo yavo ichatya, mabvi avo arovane, nekurwadziwa uye nekuchema kukuru vachati,**



121

**‘NDIYE MWANAKOMANA WAMWARI. NDIYE MESIA WECHOKWADI.’**



122

**“Apa vachamuona nekubwinya kwake kukuru, uye vanenge vachamuona akagara parutivi rworudyi rwesimba.**



123

**Avo vayiseka Jesu apo paaizviti Mwanakomana waMwari, vachashaya kuti vaitaure chii.**

**Pana Herodi uyo aiva nehasha uye akaseka hwuMwari hwaJesu akazoraira mawuto ayiseka Jesu kuti vamuyite mambo.**

### 3 - KUPUNYUTSWA KUKURU



124

Panevarume vakafukidza Jesu nguvo yepepuru, vakaisa korona yeminzwa pamusoro wake, vakamupa mumaoko ake tsvimbo inosekedza vachiti ndeyeutongi uye vakapedzisira nekupfugama mberi pake vachimuseka.



125

“Varume vakarova uye vakapfirira Mwanakomana wehupenyu vanochoedza kutiza vasingadi kutarisana nekubwinya kwake kukuru panguva iyi.



126

Avo vakabaya mawoko ake nezvipikiri nemutsoka dzake, Iro soja rakabaya dumbu rake, vanochoona mavanga aya nekutya kukuru.

“Nekusakanganisa mapristi nevatongi vacharangerira zvakaitika paKarivhari. Nekutya volorangerira nzira yavakadada nayo vachiti: ‘Akanunura vamwe; asi Iye Hakwanise kuzvinunura.



127

Kana ari Mambo weIsraeri, ngaburuke pamuchinjiko tigomutenda. Aivimba kuna Mwari; Ngaachimununura iyezvino kana achida kuanaye.’



128

“Avo vaive vachauraya Kristu nevanhu vake vakavimbika vachawona iyezvino kubwinya kwakagara pamusoro pavo. Pakati pekutya kwavo vachanzwa mashoko evakasarudzwa vachifara vachiti,



129

(Chiverengo: Isaya 25:9)

“...Tarirai, uyu ndiye Mwari wedu; takanga takamumirira, iye uchatiponisa...”



130

(Video: 11 sec) “Apo nyika ichiparara, kurira nekuwonekwa kwemheni, inzwi reMwanakomana waMwari richadaidza vakarurama vakafa. Jesu achitarisa pamakuva evakarurama, achasimudza ruoko rwake, odanidzira: ‘Mukai, mukai, mukai, imi makarara muguruva, mumuke!’



### 3 - KUPUNYUTSWA KUKURU



131

Munyika yese vakafa vakarurama chete vachanzwa inzwi Rake, vacharinzwa vagorarama. Nyika yese icharira nekutsika tsika kwevanhu vemarudzi ese enyika.



132

“Vachibva mujere yekufa vachabuda, vakapfeka kusafa, vachichema nekufara vachiti: ‘Rufu, kubaya kwako kurikupiko? Iwe guva, kukunda kwako kurikupiko?’

Vanorarama vapenyu nevamutswa vakarurama vozosanganisa manzwi avo ekufara kuti vakunda neropa raJesu. Kuremara nekurwara kwese kunenge kwasara muguva.

Hongo, hongo, Kuponeswa kunoshamisa! Kwakataurwa zvakawanda, kwakatarisirwa kwenguva, kukafungisiswa asi kusinganyatsonzwisiki.



133

“Vapenyu vakarurama vachashandurwa pachinguva chidiki, pakubwaira kweziso.’ Apo pakataura Mwari vakabwinyisiwa; iyezvino vanenge vatopfeka kusafa uye pamwechete nevatsvene vakamutsva mumakuva vozosangana naMwari muchadenga.



134

Ngirozi dzichakumba vakasarudzwa vaMwari kumativi ese enyika. Vana vadiki vachatakurwa nengirozi vachiendeswa mumawoko anamai vavo.



135

Shamwari dzakapesaniswa nerufu dzichabatana zvakare, vasingatsaukani, nenziyo dzekufara vachaenda pamwechete kudenga ratakagadzirirwa naMwari.



136

“Apo vachienda kumusoro kudenga, ngirozi dzaMwari dzakawanda dzinenge dzichidaidzira dzichiti, ‘Mutsvene, mutsvene, mutsvene, Mambo Mwari Unemasimba.’ Vakaponeswa voti, ‘Alleluia’ apo pavanenge vachienda kuguta dzvene kudenga.



### 3 - KUPUNYUTSWA KUKURU



137

**“Vasati vapinda muguta dzvene, Muponesi achapfekedza vateveri Vake zviratidzo zvekukunda uye azovapfekedza nguvo dzinoratidza kuti vava vana vehumambo.**

**Maziso ese evanhu vakaponeswa achange akatarisa kuna Jesu, ziso rese richaona muviri wake unobwinya wakambonetswa ukambotambudzwa kuti tiponeswe.**



138

**Pamisoro yeavo vachakunda, Jesu neruwoko rwake rwerudyi achaipfekedza korona inekubwinya kwake. Kunevese vakaponeswa kunenge kune korona yomunhu umwe neumwe inezita idzva uye yakanyorwa kuti “Kuva Mutsvene kuna Mwari.”**

**Kufara kukuru kuchazara mumoyo yavo, uye inzwi rimwe nerimwe ronzwikwa richitenda richirumbidza Mwari.**



139

**“Mberi pevapakoneswa, panenge pane Guta Dzvene. Jesu achavhura mazambara akanaka, kozoti marudzi ese achengeta mirairo nekutenda kuna Jesu opinda hawo. Vava ikoko, vachaona Paradiso yaMwari, musha wa Adamu asati atadza.**

**“Kozoti inzwi rakanaka, rinokunda nziyo, iro inzwi rakanaka rakambodonhera panzeve dzomunhu, ronzwika, richiti: ‘Kutambura kwenyu kwapera.’**



140

**(Chiverengo: Mateo 25:34)**

**“...Huyai imi, makaropafadzwa naBaba, mugare nhaka yohushe hwakagadzirirwemi kubva pakuvamba kwenyika.”**

**Mateo 25:34.**

### 3 - KUPUNYUTSWA KUKURU

---



141

Iyi ndiyo tariro yedu. Ndikokwatinofanira kuperera.  
Ndiro remangwana redu.  
Tingagare naKristu kudenga nekusingaperi.  
Tikashaya hupenyu husingaperi, tinenge tatoshaya  
zvese.

Kana tisina kugadzirira kuuya kwaJesu, ticharasikirwa  
zvachose nezvikuru zvichaitika zvinoshamisa zvisati  
zvaonwa kubva nyika yakasikwa.

Jesu anoti wuya...wuya kuzoregererwa.

Wuya kunesimba.

Wuya kunesimba rekukunda zvivi zvako.

Wuya kuhupenyu husingaperi.

Wuya upinde muhumambo hwangu.

Ungati, hongo here kurukoko rwake iyezvino?

Kana uchishuwa kugara muhumambo hwake  
nekusingaperi, dai wasimuka tinamate.